

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU „Djeca Sarajeva“

Broj: 07-01-892/20
Sarajevo, 11.12.2020.godine

Na osnovu člana 70. stav (1) i člana 70. stav 1.,2., 3. i 6.Zakona o javnim nabavkama Bosne i Hercegovine (“Službeni glasnik BiH”, broj 39/14), na preporuku Komisije za javne nabavke br: 07-01-891/1/20 od 11.12.2020. godine, direktor Javne ustanove “Djeca Sarajeva” donosi

O D L U K U

O IZBORU NAJPOVOLJNIJEG PONUĐAČA

I

Prihvata se preporuka Komisije za javne nabavke br: **07-01-784/1/20 od 16.11.2020.godine** i okvirni sporazum za javnu nabavku JN 1/42/20 **Robe -Nabavka novogodišnjih paketića za djecu za 2020.godinu**, dodjeljuje se ponuđaču **Defter doo Sarajevo**, za ponudenu cijenu od **59.620,00 KM bez PDV-a**, kao najbolje ocijenjenom ponuđaču u okviru sprovedenog postupka nabavke.

II

Ugovor o nabavci dostaviti će se na potpis izabranom ponuđaču, po protoku roka od 15 dana, računajući od dana kada su svi ponuđači obavješteni o izboru.

III

Ova Odluka objaviti će se na web stranici judjecas@gov.ba, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71 stav (2) Zakona o javnim nabavkama.

V

Za izvršenje ove Odluke zadužuje se Služba nabavke, distribucije i održavanja.

Obrazloženje:

Postupak javne nabavke pokrenut je Odlukom o pokretanju postupka javne nabavke br.07-01-796/20 od 11.12.2020.godine. Javna nabavka je provedena putem otvorenog postupka. Procijenjena vrijednost nabavke bez PDV-a je 59.829,06 KM. Obavijest o javnoj nabavci objavljena je na Portalu javnih nabavki br:702-1-3-1-166-3-69/20. Komisija za javnu nabavku imenovana je Odlukom 07-01-800/20 od 26.11.2020.godine. Komisija za javnu nabavku dostavila je Zapisnik o ocjeni ponuda br:07-01-891/20 od 11.12.2020.godine koji se smatra Izvještajem o radu Komisije i preporuku o izboru najpovoljnijeg ponuđača, u postupku javne nabavke JN 1/42/20 –**Nabavka novogodišnjih paketića za djecu**. Utvrđeno je da je Komisija za javnu nabavku blagovremeno i pravilno izvršila otvaranje i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

-da je broj prispjelih ponuda 2 (dvije) i to ponude:

1. Defter doo
2. Exclusive doo

-da su prispjele ponude blagovremene.

Formalno-pravno ispravna je ponuda ponuđača Defter doo, a formalno-pravno neispravna je ponuda ponuđača Exclusive doo.

Razlozi za odbijanje ponude:

C) USLOVI ZA KVALIFIKACIJU PONUĐAČA:

1) Minimalni uslovi za kvalifikaciju ponuđača:

1. Lična sposobnost – član 45 Zakona : član 45. stav (1) tačke c) i d) Zakona

Uslovi:

Da bi učestvovao u konkretnom postupku javne nabavke, ponuđač mora zadovoljavati sljedeći uslov koji se odnosi na ličnu sposobnost i to:

c)da je ponuđač ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registriran;

d)da je ponuđač ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran;

Dokazi:

Ponuđač, u svrhu dokaza o ispunjavanju prethodnih uslova lične sposobnosti (član 45. stav (1) tačke c) i d) Zakona), dužan je, u ponudi, dostaviti izjavu ovjerenu kod nadležnog organa (sud notar ili općina). Ovjerena izjava ne smije biti starija od 15 (petnaest) dana od dana predaje ponude.

- Obrazac Izjave o ispunjenosti uslova iz člana 45. stav (1) tač. c) i d) Zakona, je sastavni dio ove tenderske dokumentacije u obliku Aneksa broj 4. Tenderske dokumentacije.

- Ponuđač će biti isključen iz daljeg učešća zbog neispunjavanja navedenog uslova za kvalifikaciju, ukoliko se u ponudi ne dostavi navedena Izjava, na način na koji je traženo.

- **Ponuđač Exclusive doo nije dostavio Izjavu iz člana 45 Zakona na način tražen tenderskom dokumentacijom(ovjerenu).**

- **Pismena Izjava iz čl. 52 Zakona o javnim nabavkama također nije ovjerena na način propisan tenderskom dokumentacijom.**

1. Tehnička i profesionalna sposobnost

a) Ponuđač je u skladu sa članom 49. ZJN dužan dostaviti spisak izvršenih ugovora u skladu s članom 48. stav 2. ZJN a koji su u vezi sa predmetnom nabavkom, za period ne duži od tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od 3 godine.

- **Ponuđač Exclusive doo nije dostavio spisak izvršenih ugovora(referenc lista)**

Sposobnost obavljanja profesionalne djelatnosti – u smislu člana 46 Zakona:

Uslovi:

Da bi učestvovao u konkretnom postupku javne nabavke, ponuđač mora zadovoljavati sljedeći uslov sposobnosti obavljanja profesionalne djelatnosti i to:

a) da je registrovan za obavljanje djelatnosti koja je predmet ove nabavke;

Dokazi:

Ponuđač je dužan dostaviti sljedeće dokaze:

- **za ponuđače iz BIH:** Ponuđač u svrhu dokaza o ispunjavanju uslova iz člana 46. Zakona dužan je dostaviti Aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke.

- **za ponuđače čije je sjedište izvan BIH:** odgovarajući dokument koji odgovara zahtjevu iz člana 46. Zakona, a koji je izdat od nadležnog organa, sve prema važećim propisima zemlje sjedišta ponuđača/zemlje u kojoj je registriran ponuđač.

Navedeni dokazi sposobnosti obavljanja profesionalne djelatnosti iz ove tačke TD se dostavljaju kao ovjerena kopija originala.

U slučaju da se u ponudi ne dostave navedeni dokazi sposobnosti obavljanja profesionalne djelatnosti iz ove tačke TD ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Ponuđač Exclusive doo nije dostavio ovjerenu kopiju originala Aktuelnog izvoda iz sudskog registra onako kako je traženo tenderskom dokumentacijom.

3. Tehnička i profesionalna sposobnost

- a) Ponuđač je dužan dostaviti najmanje jedan dokaz o uredno izvršenim ugovorima i taj dokaz treba biti u vrijednosti najmanje 40.000,00 bez PDV-a, i to u fromi propisanoj članom 48. stav 2 i 3 Zakona o javnim nabavkama.

Ponuđač Exclusive doo nije dostavio potvrdu o uredno izvršenim ugovoru kako je traženo tenderskom dokumentacijom.

NAZIV/ IME PONUĐAČA ČIJA JE PONUDA OCIJENJENA NAJPOVOLJNIJOM

Komisija za javnu nabavku, nakon ocjene ponuda, konstatira da je najpovoljnija ponuda ponuđača **Defter doo**, koji je dostavio ponudu u predmetu javne nabavke i predlaže njegov izbor:

PODACI O NAJPOVOLJNIJEM PONUĐAČU		
1	Naziv / ime ponuđača	Defter doo Sarajevo
2	Adresa	Ulica Gatačka br.20
3	Ukupna cijena ponude bez PDV-a	59.620,00 KM
4	Ukupna cijena ponude sa PDV-om	69.755,40 KM

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije. U postupku ocjene provedenog postupka, rukovodilac ugovornog organa nije našla razloge nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku, te da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, neosporno je da je izabrani ponuđač najbolje ocijenjen zbog

prihvatljivosti ponude i ponuđene cijene.

Iz navedenih razloga, primjenom člana 70.stav (1) Zakona o javnim nabavkama, odlučeno je kao u dispozitivu.

U PRILOGU ODLUCI: Zapisnik sa ocjena ponuda: 07-01-891/20 od 11.12.2020. godine

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema iste.



Dostaviti:

- ponuđači 2x*
- Komisija za javne nabavke*
- a/a*